

ZBOG UKNJIŽBE NACIONALIZIRANIH STANOVA

Stanari prijetete sudijama!

Sve pismene prijetnje i ucjene biti će prosljeđene Tužilaštvu na dalji postupak, kažu u Općinskom sudu Sarajevo

Iz Općinskog suda Sarajevo jučer je stigla "najoštrija osuda kontinuiranog pritiska Udruženja građana za zaštitu nosilaca stanarskih prava na nacionaliziranim privatnim stanovima Dom na rad ovog suda, kao i na rad njegovih uposlenika, koji je prerastao u otvorene prijetnje i ucjene zaposlenim".

U saopćenju iz ovog Suda tvrdi se da se stalnim napadima pokušava narušiti normalan rad Suda i nepristrasnost u odlučivanju, te nastoji utjecati na zakonito donošenje odluka.

- Udruženje "Dom" ne samo da narušava ugled Suda putem medija, već šalje i

otvorene pisane prijetnje i ucjene uposlenicima Zemljišnoknjižnog sudskog odjeljenja, koje se odnose na pokretanje krivičnog postupka protiv njih, ako ne budu donesene odluke kojima će njihovim zahtjevima biti udovoljeno - tvrde u Sudu.

Iz "Doma" su, podsjetimo, predsjednika ovog Suda Gorana Salihovića optužili da je usmenim nalogom zaustavio upis u zemljišne knjige otkupljenih nacionaliziranih stanova. U Sudu, međutim, naglašavaju da uknjižba nije zaustavljena, nego da se vrši prema Zakonu o izmjenama i dopunama Zakona o prodaji stanova na kojima postoji sta-



Općinski sud: Zbog zakona na udaru "Doma"

narsko pravo, o čemu svjedoči i oko 150 žalbi koje su uložene na donesene odluke i koje su, prema zakonu, prosljeđene Kantonalnom sudu u Sarajevu.

Sporno je, naime, to što je Zakonom predviđen paralelan upis otkupljeni stanova i onih zamjenskih koje su

dobili bivši vlasnici, a do sada nije definisano ni ko te stanove treba dati, niti je i jedan dodijeljen. U Općinskom sudu najavljuju da će i dalje postupati prema Zakonu kao i dosad, a da će sve pismene prijetnje i ucjene biti prosljeđene Tužilaštvu na dalji postupak.